

n. 16

DE
ANTONIO MVSA OCTAVIANI AV-
GVSTI MEDICO ET LIBRIS QVI
ILLI ADSCRIBVNTVR

COMMENTATIO

SCRIPSIT

IOANNES CHRISTIANVS GOTTIEB
ACKERMANN

MEDICINAE DOCTOR ET IN VNIVERSITATE LITERARIA ALTOR.
FINA PROFESSOR PVBLICVS ORDINARIVS ACADEMIAE
IMPERIALIS NATVRAE CVRIOSORVM COLLEGA.

ALTORFII
EX OFFICINA HESSELIANA.

MDCCCLXXXVI.



§. I.

Serius ad Romanos cum aliis artibus liberalioribus medicina a Graecis pertue-
nit nec in magna apud eos existimatione habita est. ARCHAGATHI enim, LYSANIAE
filii, qui primum e Peloponeso Romam venerat anno U. C. DXXXV. dato ei Qui-
ritium iure emptaque ob id taberna in compito Acilio publice, nomen, ob secan-
di vrendique faeuitem, in carnificem et in taedium ars omnesque simul medici
transiere. a) Etenim licet veteres Romani, qui sine medicis quidem, non tamen
sine medicina viuebant, in morbis auertendis et curandis operam quandam ante
Graecam medicinam ad eos perductam collocarent, translato adeo ad eos anno
U. C. CCCCLX. ab Epidauro cultu AESCULAPII, ipsique, pestilentia grauiter sae-
uiente, anno U. C. CCLXXXVI. DIONYSIO HALICARNASSENSI teste, b) medica-
menta aliaque morborum lenimina adhiberent, aliaque luc anno U. C. CCCI.
saeuiente, eodem teste, c) nec medici, nec ministeria sufficerent, Graecam ta-
men medicinam, rudes in omnibus artibus, quae ingenii cultum quandam requi-
runt, repudiarent, non eam ob causam, quod ex ea in publicam vtilitatem nihil
redundaret, verum metu haud forte iniusto, ne, si Graecorum genus literas suas
daret cum iisque medicos suos mitteret, omnia corrumpere. *Iurarunt inter
se Graeci*, inquit M. CATO in oratione ad M. filium d) *barbaros necare omnes
medicina: sed hoc ipsum mercede faciunt, ut fides iis sit et facile disperdant.*
Quae licet inique sine dubio et odiose in Graecos dicta a viro Romano princi-
pe, satis probant, Graecam medicinam Romanis admodum copiosam fuisse, ius
Quiritium ARCHAGATHO datum plures alios e Graecis medicinam professis Ro-
mam traxisse medicosque Graccos, ingenuos, nulla seruili macula dehonestatos,
ias Quiritium adeptos, Romae, temporibus quibus M. CATO orationem ad M. fi-
lium conscripsit, complures fuisse, qui aegrotis, data iis curationis mercede, li-
beram

A 2

a) Plinius XXIX. 1.

b) Lib. IX. antiq. Rom. pag. 599.

c) Lib. X. pag. 677. cf. Io. Henr. Schulze, celeberrimi quondam in vniuer-
sitate Altorfina, postea Halensi professoris, histor. medicinae, period. II.
cap. 6.

d) apud Plinium l. c.

beram ex omni parte operam darent. Talis autem medicinae Graecae ad Romanos translatae status fuit ab anno U. C. DXXXV. quo ARCHAGATHVS Romam venit, vsque ad ea tempora, quibus M. CATO fato functus est, quae in annum U. C. DCV. cadunt.

Verum Romanus populus, in artibus accipiendis caeterum haud lentus, qui ad sexcentesium annum a) siue medicis vixerat, talibus nempe, qui Graecorum medicorum more scientiae suae peculiarem operam darent, attamen non sine medicina, iniuria sine dubio motus, quae Graeci medici aegros secandi saeuitia sua adfecerant, et M. CATONIS auctoritate maxima, medicinam Graecam Romam nouiter allatam statim parui fecit neglexitque, adeo. vt post ARCHAGATHI et M. CATONIS tempora medicorum status in ignominiam transiret. Ab his enim temporibus vsque ad ea, quibus IVLIUS CAESAR summa rerum potitus est, nullus in antiquis auctoribus locus occurrit, ex quo perspicue pateat, medicos ingenuos, Romanos ciues, familiae nulli addictos Graecos Romanosue medicinam Romanae exercuisse aliamque medicorum Romae conditionem quam seruilem fuisse, b)

licet

a) Ultra sexcentesium annum, inquit *Plinius*, l. c. Sed haec sine dubio dixit iniuria motus, quae aegris suis temporibus a medicis illata est. Si enim, vt communis opinio fert, *Archagathum* primum medicum Romanum ponimus e Graecia aduentitium, prima medicina Romanis a medico Graeco iam fuit anno vrbs DXXXV. conf. G. G. *Richter* diff. *prisca Roma in medicos suos haud iniqua*. §. 4. pag. 418. in *Opusc. tom. II.*

b) Ingenium medicorum Romanorum statum adseruerunt inter alios *Drelincourtius*, in *apologia medicorum contra eulumniam medicos 600 annis Romae exulasse* Op. P. II. p. 408. *Iac. Sponius* in libro: *Recherches sur l'antiquité*. p. 441. *Lampe* in pecuniari opere *de honorib. et priuileg. medicor.* pag. 83. seq. *Rich. Mead* in *orat. anniuersar. Harvaei*. pag. 14. *Daniel Vinck* in *amoen. philolog. medic.* Io. *Henr. Schulze* in *hystor. medicinae* et plurimi alii de historia medicinae scriptores. Tandem vir eximiae eruditionis, *Georg. Gottl. Richter* in diff. cit. *prisca Roma in medicos suos haud iniqua*. Seruilem vero statum *Cornel. Agrippa* de *incertitud. et vanit. scient.* cap. 83. *Ians.* ab *Almeloveen* *inv. nov. antiqu.* §. 4. *Conyer Middleton* diff. *de medicor.* apud *veteres Romanos* *degentium conditione* p. 10. auctorque libri *medicus Romanus seruus LX. solidis aestimatus*. L. B. 1671. vt alios plures, nota inprimis a *Middelsono* controuersia, taceam.

licet complures auctores medicī, scientiae, quam profitentur, ignominiosum putantes, si seruis ingloriisque aliis hominibus Romae fuerit propria, enixe data opera in contrario probando, at sine multo successu insudauerint. Quae enim in hoc interuallo viuentes FLAVTVS, qui ARCHAGATHI aetatem proxime adsequutus est, et paulo post viuens TERENCEVS de medicis proferunt, si et ad ingenuos referri possent, medicinam tamen medicosque in magno honore fuisse non probant, FLAVTO a) imprimis medicinas tonstrinis adiungente. Nec quae CICERO in oratione pro Archia notat de Graecis quaestus causa Romam venientibus et sub accessu cuius a te donatis coniecturam admodum firmant in his Graecis ciuitate Romana donatis medicos plures fuisse, licet non abnuam temporibus IVLII CAESARIS aeuum proxime antecedentibus in plurimis peregrinis ciuitate donatis medicos etiam fuisse. Quae Aquilia maxime lege probantur Caesaribus quidem, sed non multum antiquiore, qua in medicos imprudentiae et errorum in medendo reos actio licuit. b) Scriptores autem ingenuum medicis Romanis statum semper fuisse adferentes mire mixtis confusisque omnibus nullaque locorum aut temporum ratione habita, incongrue quae cum medicis in Graecia, quae medicos semper in maximo honore habuit, acta sunt, ad Romanos, quae Romae sub Caesaribus cum medicis acta sunt, ad acta temporum inter ARCHAGATHVM et IVLIVM CAESAREM intercedentium retulerunt.

§. II.

Seruilem vero conditionem medicos Romanos plures egisse IVLII CAESARIS temporibus, prius nempe, quam ipse ciuium numerum insignem in colonias transmarinas deduceret, paucosque fuisse Romae medicos ingenuos et ciuitate donatos facile probari potest. Ipse enim CAESAR, SVETONIO c) teste, *quum Rhodum hybernis mensibus traiciens a praedonibus caperetur, apud eos, non sine summa indignatione prope XL. dies mansit cum vno medico et cubiculariis duobus, nam comites seruosque ceteros initio statim ad expediendas pecunias, quibus redimeretur, dimiserat.* Qui locus licet non expedite probet, vtrum medicus comitibus an seruis adnumerari debeat, ipseque PLVTARCHVS d) comitibus eum di-

A 3

serte

a) *Amphitr. Act. 4, 1. Epidic. Act. 2, 2.*

b) *Instit. IV. tit. III.*

c) *Inl. 4.*

d) *in vita Caesaris.*

serte adnumeret, suspicionem tamen, perpensis iuste omnibus, mouet, medicum et cubicularios seruos fuisse, qui corporis capti domini curam gererent, qualis etiam ISAACO CASAVBONO a) mens fuit.

Octoginta autem ciuium millibus in transmarinas colonias distributis, vt exhaustae quoque vrbs frequentia suppeteret, CAESAR, suprema in republica potestate potitus, sanxit, ne quis ciuis maior annis viginti minorue quadraginta, qui sacramento non teneretur, plus triennio continuo Italia abesset: neu quis senatoris filius, nisi contubernalis aut comes magistratus, peregre profiscisceretur: neque hi, qui pecuariam facerent, minus tertia parte puberum ingentiorum inter pastores haberent. *Omnesque medicinam Romae professos et liberalium artium doctores, quo libentius et ipsi urbem incoherent, caeterique appeterent, ciuitate donauit.* b) Quam immunitatem medicis concessam etiam ALEXANDER AB ALEXANDRO c) probat, CAESAREM medicinam professos et liberalium artium doctores praecipui muneris loco ciuitate donasse perhibens.

Viliorem medicis conditionem Romae, ante donatam iis a IVLIO CAESARE ciuitatem fuisse, medicorum copiam iis temporibus Romanae vrbi non suppeditasse, edictumque, quo ciuitas medicis data est, eam etiam ob causam peruulgatum esse, vt plures appeterent, Romanos his temporibus medicinae parum studuisse, exteris medicis vsos, facile patet. Dato autem ciuitatis iure medicis, medicina statim apud Romanos in honore haberi coepit, medicique, in quibus tamen exteri, aduenae ingenuique diligenter a seruis medicis distinguendi sunt, magna estimatione culti sunt, ita vt complures clarissimi apud Romanos viri medicis amicis vsi sint. d)

Idem

a) *in not. ad Plutarchi Caes.* Amicum Plutarchus in Caesare vocat, ex eoque loco quidam ingenuum huius medici statum probare studuerunt, inprimis Dan. Vinck *amoenit. philolog. medic.* p. 464. Locus autem Plutarchi etiam si probet hunc medicum Caesari carum fuisse, Suetonii tamen locos probare videtur, ob compositum medicum cum cubiculariis, eum e seruis Caesaris fuisse.

b) *Sueton. Iul.* 42.

c) *Lib. IV. genial. diu. cap. 10.* cf. Dan. Vinck *amoenit.* V, 6. pag. 168:

d) Sic Cicero *Asclepiadem*, medicum celeberrimum, amicum habuit, *de orat.* I, 14. Alio etiam medico, *Asclapione Patrensi* vsus est valde familiariter.

Idem fere medicorum status Romae, OCTAVIANI AVGVSTI temporibus fuit. Complures Romani medicos seruos habuerunt, forte corporis externam curam gerentes, vt quidam summo, at vano studio adseruerunt. Licet enim facile largiar non vbiq[ue] sub medicorum nomine hos tantum intelligendos esse, qui aut diaeta aut medicamentis internos morbos curant, sed manu etiam opem medicam ferentes, vnguentarios, oclarios, caet. quod a doctissimis viris satis iam enisum est: non tamē et hoc facile concedam, medicos omnes, quorum seruillis conditio certē constat, his adnumerandos esse, ingenuos vero medicos Romanos omnes internae morborum curationi operam dedisse. Fuit enim tam IVLII CAESARIS quam AVGVSTI temporibus omnis paene Romanorum penes Graecos, medicina, omnesque paene horum temporum medici, qui in libris memorantur, Graeci sunt serui, in iisque qui medicorum seruitia praestarent complures, ingenui, si Romae sine seruidio degerent et poscentibus medicinam administrarent. Numerum tamen medicorum, sine seruili nota Romae degentium Graecorum, data iis a IVLIO CAESARE ciuitate Romanae, admodum increuisse credibile est, inprimis. quum impunitatis quodam priuilegio fruerentur et in principis populique aestimationem peruenissent, testante id clare SVETONII loco, quo AVGVSTVS magna quadam sterilitate venalitis et lanistarum familias peregrinosque omnes, exceptis medicis et praeceptoribus, expulisse eoque modo effecisse vt anno-na conualesceret traditur. a) Quae autem de celeberrimis medicis ex Romanorum familiis, Cassiis, Calpitanis, Aruntiis, Albutiis, Rubriis, PLINIVS b) perhibet, ea omnia ad ea tempora referenda sunt quae AVGVSTI aetatem exceperunt, in quibus

miliariter eiusque artem in valetudine suorum expertus est. „In qua mihi tum ipsa scientia, tum etiam fidelitate beneuolentiaque satisfecit. Hunc igitur Tibi commendo et a Te peto, vt des operam vt intelligat, diligenter me scripsisse de se meaque commendationem vsui magno sibi fuisse. — Epist. ad famul. XIII, 20. Asclepiadem tamen a seruili conditione non penitus liberat Thomaes Reinesius, vir non infimae in his rebus auctoritatis, inscriptione probante Asclepiadem Prusensem medicum, Asclepiadis, nouae sectae conditoris, qui Romae, temporibus Pompeii Magni vixerat, forte nepotem, cum imperantibus Traiano, Hadriano, et Antonino seruili conditione fuisset, a T. Calpurnio manumissum esse. Epist. ad Rupert. XLVI. pag. 394.

a) Aug. 42. cf. Oros. VII, 2.

b) XXIX, 1.

quibus Romani, perspecta utilitate medicinae, magnaue mercede ducti, illi libenter operam dederunt, non tamen urbi suffecerunt, adeo ut complures medici Graeci, in iisque celeberrimi, in quibus GALENUM nominasse sufficiet, Saeculo post Christum nato I. II. et III. Romae medicinam cum plurimo honore lucroque exercuerint.

Caeterum doctissimi viri DANIEL VINCRIVS, a) IOANNES CLERICVS, b) IO. HENR. SCHVLZE, c) GEORG. GOTTL. RICHTER d) alique complures, medicinae dignitatis partem haud exigua detraxi putantes, dum a seruili contumelia homines, qui Romae eam exercuerint, vindicari non possent, congestis compluribus opinioni, quam conceperant, fauentibus testimoniis, probant quidem fuisse Caesarum temporibus medicos Romanos quosdam ingenuos et ab omni seruili conditione perfecte liberos, at licet euincerent fuisse in seruis Romanorum complures, qui aut externam opem ferrent, aut curae corporis domini praessent, hoc tamen non effecerunt, ut omnes medicos, qui internis medicinis morbos internos curarunt, a seruitute liberarent, aut omnis medicinae internae usum seruis detraherent. Medicos seruos AVGVSTVS habuit internis morbis operam dantes, probante epistola AVGVSTI ad AGRIPPINAM data. e) CN. DOMITIVS seruum manumisit medicum, quod venenum sumptum, quod poenitentia euomuerat, temperasset. f)

§. III.

In amicorum comitumque numero medicos AVGVSTVS habuit MARCVM ARTORIVM et ANTONIVM MVSAM. ARTORIO amico vsus est SVETONIO g) teste ab eoque a summo vitae periculo seruatus. Quum enim bellum cum BRVTO gereret grauique valetudine in castris implicitus a praelio abstinere litauisset

a) Amoenitat. philolog. medic. Sect. III. cap. 6.

b) histoire de la médecine. Part. III. Liv. I. chap. 2. p. 565 seqq.

c) historia medicinae. Period. II. cap. 6.

d) diss. cit. *prisca Roma in medicos suos haud iniqua*. Opusc. t. II. p. 426 seqq.

e) *Mitto praeterea cum eo ex seruis meis medicum, quem scripsi Germanico, si vellet, ut retineret.* Sueton. Calig. 8.

f) Sueton. in Neron. 2.

g) Non medicum, sed amicum vocant Suetonius in Augusto. 91. Appianus de bello civ. pag. 653.

statuisset nec tabernaculo egredi, medico eius ARTORIO a) Mineruae species in somnio obuerfata est, monens, ne propter corporis imbecillitatem in castris fese contineret. Itaque in aciem lectica perlatus est: et eodem die castra a BRUTO capta sunt; b) lectica eius, quasi cubans ibi in castris remansisset, confossa concursu hostium atque lacerata. Eidem ARTORIO cenotaphium a Smyrnenfibus positum CAROLVS PATINVS peculiari commentatione docte illustravit. c)

Scriptis variis celebrem hunc AVGVSTI medicum et amicum d) MARCVM ARTORIVM e) in vnum contulerunt cum ANTONIO MVSA nostro viri doctissimi BRISSONIVS, f) TORRENTIVS, g) MENAGIVS, h) VOSSIVS, i) LAMBECIVS, k) sed parum firmis rationibus vsi. ARTORIVS enim statim post victoriam Aetiacam naufragio supremum obiit diem, EVSEBII chronico testante, ex eoque GISB. CVPERO et DAN. HEINSIO l) quae victoria VI. non. Septembr. anno U. C. DCCXXIII. accidit, ANTONIVS autem MVSA elapso decem annorum spatio, anno U. C. DCCXXXII. AVGVSTVM valenti sua medicina a periculoso morbo liberauit, bello Cantabrico finito. m)

CAME-

- a) Medicum diserte vocant auctores, qui hanc historiam perscribere, caeteri paene omnes.
- b) *Lactantius* div. instit. II, 7. Eadem perfecte tradunt *Plutarchus* in Bruto. 60. qui Caesarem ipsum in commentariis suis prodidisse scribit Artorium hoc somnium habuisse. *Velleius Paterculus*, II, 70. *Florus*, IV, 7. *Valer. Maximus* I, 7. 1. *Appian.* de bello civil. *Sueton.* Aug. 91.
- c) Comment. ad cenotaph. M. Artorio a Smyrnenfibus positum. Patav. 1689. in 4to.
- d) Librum de hydrophobia citat *Coelius Aurelianus acut.* III, 14. *περί μακροβιοτίας* *Clemens* II, paedagog. 2.
- e) Ita eum *Plutarchus* vocat.
- f) Lib. II. select. antiq. cap. 3.
- g) ad *Horat.* Ep. I, 15.
- h) *amoenit. iuris.* 35.
- i) de philosophia. XII, 1.
- k) *Biblioth. Vindobon.* II, 7.
- l) *Heins.* ad *Vellei.* *Paterc.* II, 70.
- m) conf. de his omnibus *Daniel Vinck* *amoenit. philolog. medic.* pag. 323 seqq.

CAMELVM AVGVSTI medicis adnumeravit DANIEL VINCRIVS, a) PLINII b) loco quodam ductus, quem ex antiquissimo APVLEII exemplari de salutaribus remediis ita restituit, vt, quum editi libri legant: *Divus certe Augustus lactuca conseruatus in aegritudine fertur, prudentia Musae medici. Cum priores cauerent, religione nunc omni caret*, caet. ipse vero ad huius exemplaris fidem legat: *Divus certe Augustus hac lactuca conseruatus in aegritudine fertur prudentia Musae medici, cum prioris Cameli religio nimia ei abnegaret*. Ex qua emendatione, quae autem parum firmis fundamentis nititur, quum in PLINII loco nihil mutandum sit, c), conclusio ipsi est CAMELVM, priorem AVGVSTI medicum, lactucam ipsi interdixisse.

§. IV.

In summam autem existimationem, ob medicinam AVGVSTO graui valitudine adfecto feliciter administratam ANTONIVS MVSA peruenit, Graecus origine, contrarium licet statuentibus DANIELE CLERICO d), aliisque, qui ex Pomponia plebeia Romanorum gente ortum putant. MVSAE cognomen a patrono accepisse quidam statuunt, e) sed pariter sine plurima veritate. Graecum autem fuisse ex serulli conditione, in qua ante libertatem ab AVGVSTO ipsi datam vixit, et inde clarum est, quod fratrem EVPHORBIVM habuerit IVBAE medicum, cuius nomine IVBA plantae genus euphorbiam dixerit, qui PLINIO f) teste, cum ANTONIO fratre primum instituit a balineis frigidis multa cor-

a) Amoenit. phil. med. p. 329.

b) XIX, 8.

c) Attamen medelam fecere viri docti complures huic loco, at foedam. *Horatius cum Artorii Cameli religio nimia negaret* legendum putat, Clericus loco Cameli, C. Volgii, qui librum de plantarum proprietatibus temporibus Augusti conscripserit. *Wieland*, V. III. medicum qui *Augustum* calidis medicamentis tam male curauerat, Aemilium dicit, typographi sorte errore. vid. ei. praeclarum opus: *Horazens Briefe*. — Th. I. p. 709.

d) *histoire de la médecine*, P. III. Lib. I. cap. I. p. 557.

e) *Ludov. Cbr. Crellii rfp. Io. Fr. Crellio diss. Antonius Musa Augusti medicus observationibus varii generis illustratus*. Lipsi. 1725. §. 3.

f) *Plin. XXV, 7. De graecis Musae originibus conf. Tournesfort isagog. in rem herbar. pag. 6.*

corpora adstringere, quum antea non mos fuerit nisi calida tantum lauari. ASCLEPIADE Graeco, postea Romano medico felicissimo, nouae sectae conditore, ex cuius doctrina subsequuti methodici suorum partem maximam hausserunt, praeceptore vsus est, ita tamen, vt ea, quae decedente e vita ASCLEPIADE THEMISON de praeceptoris doctrinis mutauerat, MVSA iterum mutaret, probante id PLINIO, a) his verbis: *Mutata et quam postea Asclepiades, vt retulimus, innuerat.* (secta) Auditor eius THEMISON fuit, qui, quae inter initia scripsit, illo mox recedente a vita ad sua placita mutauit. Sed et illa Antonius Musa, eiusdem auctoritate Diui Augusti, quem contraria medicina periculo exemerat. Seruum autem aut libertum Augusti fuisse priusquam illum ab ancipiti morbo contraria medicina liberaret, DIONIS CASSII locus manifeste probat, b) quo eum Augusti libertum diserte appellat. Nec est quod argumentis a CRELLIO c) et DAN. VINCKIO, d) copiose enarratis diu inhaereamus, quibus ad scruiilem MVSAE maculam delendam speciosa quidem doctrina vsi sunt, rem vero extra dubitationem non posuerunt. Quae enim ab ASCLEPIADE praeceptore, ab annulo aureo equestri ipsi dato, a muneribus ipsi a senatu populoque Romano datis et statua ipsi, aere collato, in foro ad signum Aesculapii posita desumfere argumenta omnia ingenuas MVSAE origines nullo modo euincunt, et licet vnicus testis DIO sit de ANTONIO MVSA Augusti liberto, nec ab omni veritate argumenta recedant, quibus DIONIS auctoritas suspecta redditur, medici tamen, qui de annulo aureo MVSAE dato historiam, quam pariter DIO solus refert, (aliis Scriptoribus de pecunia ipsi copiose data et de honoribus a senatu populoque ipsi decretis tantum referentibus) verissimam supponunt, et in hoc, quod ab AVGVSTO manumissus fuerit MVSA, DIONI fidem habcant necesse est.

Libertus autem AVGVSTI ANTONIVS MVSA noster medicinam cum plurima laude exercuisse in eaque plurima, mutatis medicorum, qui eum praecesserunt,

a) Plin. XXIX, 1.

b) Dio. L. LIII. pag. 517. C. edit. Io. Leunclavii Hanov. 1606. in fol.

c) diff. de Anton. Musa. §. 5.

d) Amoenit. philol. g. medic. pag. 328.

serunt, doctrinis, praestitisse videtur. Celeberrimum medicum fuisse, non solum **AVGVSTI** curatio probat, mox vberius enarranda, verum etiam compositiones medicamentorum plurimae; ipsi propriae, et a posterioris aevi medicis, vt memoria efficacium medicinarum suarum perstaret, literis mandatae. Medicamentum ad icterum **SCRIBONIVS LARGVS**, a) panacea **Musae GALENVS**, b) pastillos **ORIBASIVS**, c) alios pastillos **AETIVS**, d) antidoton **MYREPSVS**, e) collyrium **MARCELLVS**, f) enarrant, vt alias compositiones medicamentorum ab iisdem auctoribus aliisque eidem adscriptas descriptasque taceam.

Nouas etiam insolitasque suo tempore medendi vias ingressus est, cum enim incidisset insanabilia ulcera, viperas edendas dedit miraue celeritate perfunxit, g) quam medicinam nostris demum temporibus ad varia cutis vitia difficillime sanabilia efficacissimam experti sunt Indiae occidentalis incolae, medicique illos imitati. Fortunae autem suae in exercenda medicina famam summo opere auxit cum a fuetis his temporibus medicorum doctrinis et ab ipso adeo **ASCLEPIADE** praeceptore deflecteret locoque calidae, qua Romani frequentissime vti consueuerant, frigidam aquam ad varios morbos commendaret, eamque contra medicorum aevi sui morem ad curandas humanas affectiones frequentius adhiberet. Baias celeberrimas ob thermas, quae generatim neruis prodesse putabantur pedibusque aut coxendibus luxatis fractisque, quibus ad aluos laxandas, vulnera sananda et ad capitis auriumque morbos eximias virtutes Romani tribuere, damnavit et **HORATIO** defluxionibus et lippitudine vexato suavit, vt gelida per medium frigus perlueretur.

Quae

a) *compos. medic.* 110.

b) *de compos. medicament.* sec. loc. VII, 5.

c) *IV. de loc. affect. cur.* c. 127. *Synops. L.* III.

d) *tetr. I. Serm. IV. cap. 12. II, 2. cap. 82.*

e) *Sect. 1. de antidot.* 183.

f) *de medic.* cap. 8.

g) *Plinio* teste XXX, 13. Qui locus probat *Antoninum Musam* etiam medicinae quae manu opem fert, operam dedisse, non sucto admodum his temporibus medicis Romanis ingenuis modo, qui medicinam manu administratam seruis vtplurimum reliquere.

Quae sit hyems Veliae, quod coelum, Vala, Salerni,
 Quorum hominum regio et qualis via: nam mihi Bajae
 Musa superuacuas Antonius, et tamen illis
 Me facit inuisum, gelida cum perluor vnda
 Per medium frigus. a)

Frigidam autem impense laudando eamque ad varios morbos feliciter adhibendo, inprimis autem curatione felicissima, qua AVGVSTVM a desperato pæne morbo liberauerat, effecit, vt Bajae, quibus antea frequentissime Romani ad morbos utebantur, a pluribus relinqueretur, eodem HORATIO teste:

Myrteta relinqui

Dictaque cessantem neruis elidere morbum
 Sulphura contemni vicus gemit, inuidus aegris
 Qui caput et stomachum supponere fontibus audent
 Clusinis, Gabiosque petunt et frigida rura. b)

Primum frigidae medicinae apud Romanos auctorem ANTONIVM MV-
 SAM Romani medici copiose imitati sunt, damnatis balineis, maxime autem
 CHARMIS MASSILIENSIS, qui PLINII temporibus Romae vixit frigidaque
 penitus, vt videtur, ex ANTONII MVSAE mente consilioque, quod HORA-
 TIO dederat, vsus est. Etenim, vt PLINII verbis utar, *frigida etiam hyber-
 nis algoribus lauare persuasit merisitque aegros in lacus. Videbamus senes consu-
 lares usque in ostentationem rigentes.* c)

Frigidae autem virtutes maxime probauit, cum AVGVSTVM eadem a morbo admodum ancipiti et periculoso, pertinaci arthritica destillatione cum corporis colliquatione, liberaret, adhibita antea contraria penitus medicina, calida videlicet, potu, fomentis, corpore adeo crebro ea perflufo, ipsoque adeo conclau tam arcte clauso, vt frigori ne minimus accessus pateret. Pristinam autem omni modo sanitatem restituit frigida, vt per longissimum tempus sine multa valetudine viueret, adhibitis simul refrigerantibus medicinis, testibus curationis auctoribus praecipuis, PLINIO, d) SVETONIO, e) DIONE CAS-

B 3

SIO. a)

a) Horat. Epist. I. 13. ad Valam.

b) Epist. citat.

c) Plin. XXIX, 1.

d) Plin. XIV, 3.

e) Suet. Octav. 87.



SIO. a) SVETONIVS curationem ita enarrat: *Graves et periculosas valetudines Augustus per omnem vitam aliquot expertus est: praecipue Cantabria domita, cum etiam destillationibus iecinore vitato ad desperationem redactus contrariam et ancipitem medendi rationem necessario subiit, quum calida fomenta non proderant, frigidis curari coactus, auctore Antonio Musa.* Lauacris et potionibus frigidis AVGVSTVM ab ANTONIO MVSA restitutum DIO monet, quum nihil eorum, quae maxime ad sanationem opus erant, posset facere. Frigidas autem potiones vim salutiferam suam a lactuca maxime habuisse, PLINII locus probat: *Est quidem lactucis natura refrigeratrix, et ideo aestate grae stomacho fastidium auferunt cibique appetentiam faciunt.* Divus certe Augustus lactuca conseruatus in aegritudine fertur prudentia Musae medici. Cum priores cauere religionem nunc omni caret, in tantum recepta commendatione, vt seruari etiam in alienos menses eam oxymelite repertum sit.

Tam felicem autem curationum suarum successum ANTONIVS MVSA non vbique expertus est. Sanato enim quamuis hoc modo AVGVSTO in extremam a diro morbo desperationem redacto, MARCELLVS, breui post in similem valetudinem delapsus eodemque ab ANTONIO MVSA modo tractatus superuenit diem, DIONE b) teste obiit, indeque factum est, vt fortunae potius quam arti HORATII interpretes plurimi AVGVSTI sanationem tribuant, non reputantes, aduersa, quae in morbis accidunt, saepissime extra omnem medici culpam euenire. Si autem DIONIS fides vlla in re suspecta est, in hac certe ab omni falsi suspitione liberari nequit, quum PROPERTIVS, c) MARCELLI familiaris et coauius, Baias admodum inuisas habeat, quod amicum suum occiderint. Inde patet mortis culpam maximam in Baianas aquas cecidisse, aut nimis diu adhibitas priusquam MVSA in auxilium vocaretur, d) vt contraria sua medicina morbum praefocare nequirit, aut neglectis relictis-

a) hist. L. LIII. pag. 517. C. edit. cit.

b) Libr. LIII. pag. 517. D. ὁ μὲν Αὐγύστες ὕτως ἐσώθη, ὁ δὲ δὴ Μαρκελλός, νοσήσας ἔπειτα ἰσχυρῶς, καὶ τὸν αὐτὸν ἐκείνου ὡς αὐτὰ πρὸς Μάρκα τρόπον θεράπευομενός ἀπέθανε.

c) Eleg. 16. Libr. III.

d) Hinc etiam quidem Marcellum in Stabianis aquis frigidissimis mortuum re-ferunt. conf. Crell. diff. de Antonio Musa §. 10.

relictisque MVSAE consiliis, cessante frigidarum medicinarum et refrigerantium usu, in usum vocatas.

§. V.

Ob sanitatem autem AVGVSTO cum tanto vitae periculo decumbenti feliciter restitutam ANTONIVS MVSA honoribus amplissimis ornatus est. Pecuniam multam AVGVSTVS et senatus Romanus dederunt. a) Statuam, aere colato, iuxta signum Aesculapii statuerunt. b) Ipsam autem hanc curationem, ob principem in re publica virum, patriae patrem, ab eo sanatum et conseruatum, tanti fecere auctores, qui AVGVSTI historiam perscripserunt, vt sola ANTONII MVSAE opera Augustum ab ancipiti morbo liberatum esse perhibeant. PLINIVS etiam dum ANTONIVM MVSAM nominat, curationis laudem vbique paene simul perhibet, vt mox Augustum eius opera prudentiaque conseruatum, c) contraria medicina graui periculo exemptum, d) suaque prorsus prudentia restitutum ab aegritudine perhibeat. e) Iisdem paene verbis SVETONIVS f) et DIO CASSIVS g) in historia hac perscribenda vsi sunt.

§. VI.

Viro tam praeclare de se promerenti annuli aurei ius AVGVSTVS concessit DIONE teste, h) tanta pecuniae summa ipsi data, vt censui equestri sufficeret. i) Quo ipso amplissimo equestris dignitatis iure ANTONIVM MVSAM omnes

a) Dio. Lib. LIII. pag. 517. C.

b) Sueton. Octav. 59.

c) XXV. 7.

d) XXIX. 1.

e) XIX. 8.

f) Octav. 81.

g) hist. Lib. LIII. loc. citat.

h) et quidem solo. Suetonius enim etsi Antonii Musae merita in Augustum aliquoties memoret, praemiaque Musae data copiose enarrat, annuli tamen dati nullam mentionem fecit.

i) Quod manifeste ex Dionis loco patet: και δια τὸ το καὶ χρηματα παρα τε τῶ αὐγεσθ και παρα της βελης πωλλα, και το χρυσοις δακ-

omnes equitum Romanorum immunitates acquisivisse certum est, probantibus etiam IOANNE RHODIO, a) CRELLIO b) DAN. VINCKIO c) MOESENIO, V. Ill. d) pluribusque aliis.

Quod annuli aurei ius, quo donati in equestrem ordinem euecti sunt, libertis aliisque e ciuibus Romanis, qui censum equestrem non habuere, ab imperatoribus, post Augusti tempora frequenter datum est, partim vt merita in se aut rem publicam collata amplissimo hoc virtutis praemio ornarent, partim vt partes suas augerent atque confirmarent hominibus ipsis ob acceptissima praemia perpetua gratitudine adstrictis. Sic ipse IVLIVS CAESAR, cum bellum aduersus POMPEIVM moliretur fidemque militum imploraret pro concione, existimatus est census equestres pollicitus singulis, quod vero opinione falsa accidit. Nam cum in alloquendo exhortandoque saepius digitum laeuae manus ostentans, affirmaret, se, ad satisfaciendum omnibus, per quos dignitatem suam defensusus esset, annulum quoque aequo animo detracturum sibi: extrema concio, cui facilius erat videre concionantem, quam audire, pro dicto accepit, quod visu suspicabatur: promissumque ius annulorum cum millibus quadringenis fama distulit. e) Eandem dignitatem sequuti imperatores amicis libertisque dedere, Asiatico liberto VITELLIO, SVETONIO f) TACITO g) testibus, vt alia exempla silentio praeteream, in quibus colligendis GOTHOFREDVS h) IO. RHODIVS, i) LAMPE, a)

δακτυλίοις (ἀπελευθεροῦν γὰρ ἦν) χρησθαι. Pecunia ei ab Augusto et senatu multa vsusque annuli aurei datus est, nempe ob pecuniae multae tantam summam, quae equestri censui constituendo sufficeret.

a) ad Scribon. p. 180.

b) dist. de Anton. Musa §. 9.

c) Amoenit. philolog. med. p. 170.

d) Comm. de medicis equestri dignitate ornatis §. 1.

e) Sueton. Iul. 33. Qui locus etiam probat datum equitum ius semper priscis imperatorum temporibus censum equestrem supposuisse, nec dari potuisse equestrem annulum vlli, qui censum non habuerit. Temporibus quae Augusti aetatem exceperunt, cum annulo dato census equestris raro datus est.

f) Vitell. 12.

g) Annal. 18.

h) in not. ad Dig. L. XL. tit. 10.

i) ad Scribon. p. 180.

FE, a) operam plurimam infumere. Magis adhuc eadem dignitas posteris temporibus peruulgata est, *IUSTINIANO* eam, ceu consequens et effectum manumissionis, omnibus libertis concedente. b)

Qui de medicorum priuilegiis scribere in liberandaque medicina Romana ab omni seruilis ignominiae macula infudarunt medici et philologi, annulo aureo *MVSAE* dato inprimis probare studuerunt medicinam temporibus *MVSAE* non seruilem, sed potius scientiam fuisse, quae exercentibus cum plurima pecunia insignem dignitatem conciliaret. Sed haec ex vniço exemplo deducta probant quidem, medico cuidam, ob principis omnibus summo opere dilecti vitam seruauam, praemia amplissima data esse, medicinam autem horum temporum a serui conditione non liberant. Neque tanti putanda equestris dignitas est *ANTONIO MVSAE* concessa, admodum vulgata iam Augusti temporibus, publicatis calamitatum ciuiliū temporibus complurium equitum Romanorum bonis, quae ad alios translata, cum equestri censu dignitatem simul ad ignobiliores familias detulerunt.

Equestris autem annulus licet equestres census temporibus *IULII CAESARIS* et *AVGVSTI* simul comprehendat, manifeste id probante *SVETONII* supra iam citato loco, quo militum cohortes opinione falsa putabant Caesarem singulis equestres census pollicitum, cum in concione dignitum ostentaret, et *DIONE*, liberti tamen annulo aureo ab imperatore donati, licet dignitas ipsis vere equestris hoc annulo constitueretur, prior in spectaculis locus, equestri censu, qui ad equitem Romanum necessario requirebatur, accedente, in equestrem tamen dignitatem saluo patronatus iure transiere. Hinc is, qui ius annulorum impetrauerat, ut ingenuus ex *PAVLI* c) mente habebatur, quamuis ab haereditate eius patronus non excluderetur. Hinc ex *VLPIANI* d) mente libertinus, si ius annulorum aureorum impetrasset, ingenuus quidem intelligebatur, saluo tamen patroni

a) de honorib. et priuileg. medicor. a pag. 85. passim.

b) *Struvii* Syntagm. iuris civ. P. III. cum addit. Petr. Mülleri exerc. 40. l. 40. tit. 10. de iure annul. aureor. §. 59. *Heineccii* antiquit. Rom. iuris prudent. illustrant. syntagm. Lib. I. tit. V. 17. 18.

c) L. IX. ad leg. Iul. et Papian. Dig. XL, 10.

d) L. I. ad leg. Iul. et Papian. Dig. XL, 10.

patroni iure. Hinc lege etiam Romana cautum est, ut alimenta libertus, annulo aureo, consentiente patrono, ab imperatore donatus, a patrono sibi relicta consequeretur, a) libertus autem, qui annulorum ius inuitis aut ignorantibus patronis acceperat, eodem iure priuaretur. b) Ipsi quoque legum Romanarum interpretes celeberrimi, DIONYSIVS GOTHOFREDVS c) G. A. STRVVIVS d) aliique in eo perfecte consentiunt, quod liberti, annulorum aureorum iure impetrato, ideo tamen liberti esse non desinerent, sed salvo ex omni parte patronatus iure, ipsorumque iure, quo alimenta a patrono consequi poterant, equitum quidem honoribus omnibus fruerentur, ob patronorum tamen in eos iura, quae equestri conditio non infirmavit, ab equitibus distincti essent. Viuebant, notante satis commode et probante praeclare STRVVIO, e) liberti, qui annulorum ius acquisiverant, tanquam ingenui, dignitate Romanis equitibus aequales, sed moriebantur tanquam liberti, imaginem tantum ingenuitatis, impetrato annulorum aureorum iure consequuti, quod etiam GOTHOFREDVS f) adfirmat, dicens, annulum tributum libertis esse ut equites sint, vel quasi equites, nempe ut equitum quidem immunitatibus ex omni parte fruerentur, alia tamen equitibus Romanis propria non consequerentur, veram nempe et ab omni obligatione liberam ingenuitatem.

Quibus omnibus rite perpenſis aequi harum rerum iudices facile intelligent, annuli aurei ius rei publicae Romanae antiquis temporibus civibus Romanis ingenuis et equestrem censum habentibus proprium, ab imperatoribus Romanis libertis tributum, haud tanti fuisse, ut ex hoc iure, peculiarem professionem exercenti cuidam ob singularia merita dato, in ipsam professionem, aut in omnes eam postea exercentes eadem equitum Romanorum privilegia ceciderint. Communes enim admodum fuisse equites Romanos ex libertis, imperatorum temporibus, imprimis post IVLIVM CAESAREM et AVGVSTVM, ex HADRIANI rescripto, quod VLPIANVS g) excerpſit, ex COMMODI h) lege, qua ius an-

nulo-

a) Papinian. L. I. responſor. Dig. XL, 10.

b) Marcian. Institut. L. I. Dig. I. c.

c) in not. ad Dig. loc. citat.

d) Syntagm. iur. civil. c. addit. Petr. Mülleri P. III. exerc. 40. L. XL. tit. 10. de iure annulor. aureor. §. 59. vidi et quos ibi citat auctores.

e) in libro cit. I. c. ad fin.

f) in not. ad Dig. XL, 10.

g) Lib. I. ad Leg. Iul. et Papian. Dig. I. c.

h) Marcian. instit. I. Dig. I. c.

nulorum auréorum omnibus ademptum est, qui id inuitis aut ignorantibus patronis acquisiuerant, et ex eo intelligi potest, quod IVSTINIANVS omnibus libertis ius annulorum siue discrimine concesserit, nullo certe equestris census respectu habito, ad quem, testante etiam ARNOBIO, a) qui diserte dicit pecuniam annulos et priora loca in spectaculis donare, primis imperatorum Romanorum temporibus diligenter semper respectum est.

Medici autem quidam, speciosam dignitatem arti accedere putantes, cum, quae seruilis antea Romae saltim ex parte fuerat, ab equite Romano exerceretur, priuilegiorum et immunitatum summam in hunc annulum MVSAE datum contulerunt, omnes, qui Romae post ANTONIVM MVSAM arti medicae exercendae operam dederunt, equitum Romanorum dignitate et immunitatibus vsos adseruerunt, et medicorum nobilitatem non ab arte, quam profitentur, et exercent nobilissima vtilissimaque generi humano, sed ab annulo aureo ANTONIO MVSAE ab AVGVSTO dato deduxerunt, b) insolito sane modo et ab omni veritate quam maxime alieno, putantes forte viliores reddi salutiferam scientiam, si equestris dignitatis ornamentum, quod fortuna sola MVSAE AVGVSTVM a graui morbo liberanti dederat, posteris medicis decederet. c) At parum firmo fundamento nituntur, quae ad medicorum Romanorum post Musae tempora equestrem dignitatem probandam producuntur. Habemus manifeste medicos Romanos seruos, liberos post AVGVSTI tempora florentes, quod de ASCLEPIADIS adeo celeberrima medicinali familia, cuius nomen in maximo honore apud Romanos habebatur, REINESIVS d) probauit, et supra, adductis copiose testibus, de aliis etiam probatum est. Nec ipse vnicus annuli aurei ANTONIO MVSAE dati testis DIO dicit annuli aurei ius medicis concessum esse omnibus Romae medicinam exercentibus, sed *immunitatem*, hoc est Quiritium ius libertatemque artem libere exercendi non ipsi modo ANTONIO MVSAE, sed omnibus quoque eandem artem exercentibus in posterum quoque tempus concessam esse. e) Nemo profecto fuerit qui ex immunitatibus praeceptoribus, grammaticis, a IVLIO CAESARE et AVGVSTO concessis, annulorum ius iis cum his immunitatibus datum esse autemet,

a) Libr. IV, quem locum etiam Gothofredus citat.

b) Lampe tr. de honoribus et priuilegiis medicor. Io. Rhodius ad Scribon. p. 180. Neandri antiquissimae medicinae origines, encomion. p. 75. Dan. Vinck in libr. cit. ex parte etiam Richter in diss. citat.

c) Hinc etiam in plerisque vniuersitatibus literariis his, qui in doctorum medicinae dignitatem promouentur, annulus aureus datur ceu equestris dignitatis signum, quam Augustus Musae suo dederat. Sed falso: quae enim Musae acceperat, in posteros medicos cadere non possunt.

d) epist. ad Casp. Hoffmann. et Rupert. XLVIII.

e) hist. L. LIII. p. 517. D.



de medicis autem post ANTONIVM MVSAM Romae medicinam facientibus complurium opinio haec fuit, nullo certe modo probanda et ex eo facile confutanda, quod AVGVSTVS, popularis aurae captandae cacterum tam avidus, ciuium Romanorum honorem studio maximo conseruauerit et commendaris adeo a dilectissimis sibi et principibus in re publica viris feruis aut e seruili genere natis ciuitatem Romanam et honores alios ciuibus Romanis tantum proprios pertinaciter denegauerit. a)

§. VII.

Viro qui tantam in medicina laudem, depulso feliciter AVGVSTI diro morbo, promeruerat, libri quidam descripti sunt, alter de diaeta ad Maecenatem, cum MARCELLI de medicamentis empiricis libro, cuius partem efficit, Basileae 1536. nec non in collectione HENRICI STEPHANI cum MARCELLO editus, Norimbergae etiam cum Sexti Placiti de medicamentis ex animalibus libello, et cum Hieronymi Acoromboni Eugubii tractatu de natura et usu lactis MDXXXVIII. typis excussus, b) cum HIPPOCRATIS operibus omnibus a LINDENIO c) iterum editus, alter vero de herba vetonica, solus aliquoties, cum APVLEII herbario, GALENI libro de plenitudine, POLYBI de salutari diaeta, BENIVENII de abditis morborum causis, nec non cum PLINII VALERIANI excerptis ex CAIO PLINIO SECVNDO editus. Librum etiam ad OCTAVIVM CAESAREM conscripsit, in quo diligenti cura summaque breuitate singula curationum genera comprehendit, quem coram MAECENATE CAESARI ipso, vt medicinae sibi faciendae compendium haberet, tradidit, prout ipse in libri de diaeta ad Maecenatem §. I. testatur. De diaeta libellum ANTONIO MVSAE celeberrimi viri vix tribuerunt, HIPPOCRATI quidam adscripserunt d) MARCELLO alii, e) IANVS CORNARIVS DIOELI, graece quippe scriptum, quum MVSAE latinas origines, at falso supponerent. Ipse autem liber licet quaedam contineat quae recentiore paulo doctrinam redolere videntur, infra fusius exponenda, nec de frigidae ad sanitatem conseruandam firmandamque virtute aliquid in eo scriptum sit, quod factum forte esset, si MVSAM auctorem haberet, ex altera tamen parte plurima continet, quae

a) Sueton. Octav. 40.

b) titulus huic collectioni hic est: Sexti Placiti Papyriensis de medicamentis ex animalibus libellus. Antonii Musae ad Maecenatem suum de conseruanda bona valetudine instructio. Item tractatus vtilissimus de natura et usu lactis D. Hieronymi Acoromboni Eugubii, ordinarii clarissimi gymnasii Patavini. Norimb. apud Ioannem Petreium 1738. in 4to. Fabricius bibl. lat. IV. 3. p. 527. t. III. Norimb. 1537. editam esse hanc collectionem dicit, forsitan typographi errore.

c) Hippocratis Opera edit. van der Linden. t. I. p. 650.

d) cf. nobilissimum doctissimumque Gruneri, V. III. opus, *cenfura librorum Hippocrateorum* §. 39. cap. 3. pag. 140.

e) vid. Grueneri librum, l. c.

quae MVSÆ admodum conueniunt, amicae familiaritatis cum AVGVSTO et MAECENATE testimonia. MAECENATEM enim, ad cuius corporis curationem omnia explorauerit vsuque confirmata celeriter complexus sit, amicissimum vocat, qui cum ipso per plures annos cum CAESARE AVGVSTO moratus fuerit, quo tempore nec MAECENAS, obseruando praecepta in libello tradita, in vllum corporis languorem inciderit, nec AVGVSTVS, quem suum dicit, molestioris incommodi quicquam passus fuerit. Quae egregie cum valetudinibus, quas AVGVSTVM expertum esse SVETONIVS a) narrat, conueniunt, cum crurum imbecillitate arundinum atque habenarum remedio confirmata, in qua, aliisque leuioris notae passionibus, pariter a SVETONIO enarratis, licet permanferit, nulla tamen molestiora incommoda fuerit expertus.

Ipse etiam versionis latinae, quae nobis tantum superest, auctor, LARGIVS DESIGNATIANVS, forte SCRIBONIS LARGVS DESIGNATIANVS, b) libri de compositionibus medicis latini auctor, MVSAM verum libelli ad MAECENATEM auctorem esse saltem aliquo modo probat. Is enim in perscribendis compositionibus medicamentorum celeberrimas vsuque probatissimas collegit, in iisque ab ANTONIO MVSÆ profectam ad stomachi dolorem, vrinam mouendam, et morbum ischuriam efficacem. c) Quae coniecturae si non fauent, saltem non aduersa sunt, nota fuisse SCRIBONIO quae MVSÆ efficacia ad sanitatem conseruandam et ad morbos expertus fuerit eumque Graecum Musae librum, vt ab interitu seruarietur et in popularem vsu transiret, in latinam linguam transtulisse.

Denegandus itaque ANTONIO MVSÆ libellus de diæta non est, qui efficacia pro saeculi more ad varios morbos consilia, sagaci cautoque medico digna, concisa et in angustissimum spatium coacta oratione continet, quamvis in ipso hoc libro doctrinae quaedam occurrant, quae recentiorum auctorem, Galenicæ doctrinae affectum redolere videantur. Eaque potissimum in doctrina de quatuor humo-

a) Sueton. Octav. 80. 81.

b) Compos. med. 110.

c) Largium hunc Designatianum Marcellus memorat, praefixa operi suo de medicamentis empiricis epistola ad filios, qua iis Hippocrati adscriptam epistolam ad Antiochum regem, epistolamque Musae ad Maecenatem, Hippocrati adscriptam, et a se e graeco sermone translatam commendat. Eiusdem Largii Designationi meminere Ios. Simlerus, catal. bibl. Gesn. nec non Fabricius, bibl. lat. cur. Ernesti IV, 8. tom. III. p. 528. Alii scriptores de rebus literariis, quos copiose euolui, de hoc Largio Designatiano silent. Coniectura mea, Largium Scribonium Largum esse nomen similitudini nititur, nec est, quod ab ea decedam, donec certiora edoctus fuero, licet antiqui scriptoris latini nullum exemplum profert, qui graeca in linguam suam transtulerit edideritque.



humoribus, de quatuor generibus, ex quibus animale corpus omne conficit, calido scilicet, frigido, sicco et humido, nec non in ipsa argumenti pertractatione, quae cum GALENI de eodem dictis aliquo modo convenit, consistunt. At antiquiora GALENO haec sunt, a methodicis inprimis, quorum sectae ANTONIVS MVSA studuit, in doctrinae formam redacta, a GALENO vero alio modo, ut theoriae suae fundamenta darent, disposita. Cactera vero omnia in theoreticis exposita talia non sunt, ut theoriae a GALENO perulgatae villo modo adscribi possint, plura vero ad methodicorum doctrinam de adstricto et laxo referenda. Quae denique de lunae in corpora animata et in medicamentorum efficacia augenda vel minuenda vi in libro traduntur, a) a temporibus, quibus MVSA haec perscripserit, admodum aliena non sunt.

Denegasse viros doctos MVSAE librum, quem verosimiliter scripserit, et ad incertum auctorem alium retulisse, alium vero, de herba vetonica, contradicentibus licet grauissimis et nullo modo confutandis argumentis, MVSAE pertinaciter adscripsisse, admodum mirum est. Licet enim antiquissima exemplaria omnia librum de herba vetonica ANTONIO MVSAE adscribant ipsaque libro praefixa epistola opusculum, pars maioris operis de medicaminibus, MARCO AGRIPPAE, CAESARIS AVGVSTI genero inscribatur, quem earum habuisse MVSAM, seu patroni sui amicum, generumque credibile fatis foret, haec tamen libro huic ANTONIO MVSAE vindicando non sufficiunt. b)

Etenim quam infida de vero libri cuiusdam antiqui auctore coniectura ex nomine sit, quod in fronte gerit, omnibus notum est, copiosissimaque medicinarum inprimis librorum exempla sunt medicis celeberrimis adscriptorum et ab ignotae famae viris professorum, qui, ut auctoritatem quandam libris suis conciliarent suamque doctrinam perulgarent, fatis fecisse putabant, si alieno fatisque celebri nomine insignita sua emitterent. c) Nec, contradicentibus aliis omnibus, argumento praesertim, genioque scriptionis, plus fidei epistolae ad M. AGRIPPAM habenda est, monachali d) et tam parum latinae, ut quacnam in animo scriptor habnerit, vix Delio notatore erui possit, ipsaque epistola, manifeste id prodente scriptionis genio, recentior longe quam ipse de herba vetonica liber putanda sit.

Si autem MVSAM auctorem libri graeco sermone conscripti de diaeta ad MAECENATEM agnoscimus et cogitandi scribendique modum in hoc libro

cum

a) de diaeta ad Maecenat. §. 10.

b) Illis argumentis ad vindicandum hunc *Antonio Musae* librum vsus potissimum est *Gabriel Hummelbergius*, in praefat. ad editionem Antonii Musae et Apuleii a se profectam.

c) Haec de *Hippocratis* spuriiis libris docuit *Grunerus*, V. III. in praefatio opere: *censura libror. Hippocrat.* cap. I. Sect. 1.

d) Ita *Cass. Barthius* eam vocat. *Advers.* 38, 1.

cum scriptis in libro de herba vetonica conferimus, manifeste patet, diuersos librorum vtrorumque auctores fuisse. In libro de diaeta dicta enim generatim, eo redeunt, vt traditis per sua signa iis, quae in sanitate delinquant, medendi iis methodus exponatur, dicta vero in libro de vetonica herba omnia merum empiricum produnt qui neglecta morborum cognitione eorum curationi tantum, sine omni virium, quae medicamento insunt, laesionumque, quae medicamenti ope tolli debeant, aestimatione studuerit.

Graece liber de diaeta scriptus est, de vetonica vero herba latine: et quamuis medicus Graecus natione, Romae in clarissimorum virorum commercio degens Romanaeque linguae gnarus, sua et graece et latine perscribere potuit, rarissimum tamen est ab vno eodemque auctore libros graece latineque scriptos inueniri, in ambabus linguis licet versatissimo. Graeca insuper nomina herbae vetonicae, quae in principio libri copiose enarrantur, vitiosissime latine scripta sunt, isque scribendi modus, nisi, quod ac veritate alienum non est, quum editi de herba vetonica libri summopere inter se discrepent, librariis debeatur, AVGVSTI temporibus, quibus Graeca graece, latina latine dici solebant, plane insolitus fuit.

Vt verbo rem comprehendam, neque argumentum libri medicum probum, rationalem, morbos per sua signa cognitos curantem, neque scribendi genus et verborum vsus virum doctum prodit, qui cum AVGVSTO summisque viris, MAECENATE, M. AGRIPPA, HORATIO, VIRGILIO, a) familiariter vixerit, sed auctorem potius posterorum temporum, in quibus cum purioris latinae linguae cultu rationalis medicina neglecta est.

Quoad omnia autem, inscriptionem, tractandi ordinem, scriptionis genium, verborum ysum, modum quo morbi curantur, cum capitulis hic de herba vetonica libellus conuenit, quae in APVLEII herbario pertractantur. Nomina in vtrisque libris, eodem perfecte scribendi modo, plantae, de qua sermo est, graeca, latine et vitiosissime scripta, natalis locus, ad magiam adeo vires, qualitates, posteaque ad morbos medicatae vires pertractantur, vt, qui non videant de vetonica

- a) Extat in catalectis *Virgilii* epigramma, quo MVSAE doctrina summis laudibus extollitur:

Cui Venus ante alios Diui Diuumque sorores
Cuncta neque indigno Musa dedere bona.
Cuncta quibus gaudet Phoebus chorus ipseque Phoebi
Doctior o quis te, Musa fuisse potest.
O quis te in terris loquitur iucundior vno.
Clio nam certe candida non loquitur, caet.

Talia autem in auctorem libri de herba vetonica certe cadere nequeunt.



ca librum capitulum ex APVLEII herbario esse,* et primum forsan, vt quidam autumant, a) coecutire videantur, dum lucidissimum diem sol reddit.

PLINIVM SECVNDVM sequutos plurimos esse in conscribendis medicamentorum comparatu faciliū libris nuper probavi, b) ipsumque APVLEIVM plurima e PLINIO desumisse docuerunt BODAEVS a STAPFL c) CLERICVS d) aliique quos DANIEL VINCKIVS e) copiose citat. Dicta sane in libro de herba vetonica plurima dictis a PLINIO perfecte respondent. Quae in titulis libelli 4. 8. 9. 10. 13. 14. 16. 17. 20. 22. 24. 25. 26. 27. 28. 29. 30. 32. 33. 34. 37. 39. 41. 42. 43. 45. de vetonicae herbae virtutibus ad varios morbos proponuntur, cum dictis a PLINIO in historiae naturalis libris XXV. et XXVI. omni fere modo conveniunt, eo tamen excepto, vt compositiones et mixtiones medicamenti alias vtplurimum APVLEIVS commendat, quod in herba, cuius vsus apud populum admodum inualuisse videtur, adeo mirum non est, aliis hanc, illam aliis compositionem laudantibus.

Scripta autem haec sunt vt, publici ordinariiue professoris medici munere in vniuersitate literaria Altorfina a PERILLVSTRI BVSVNIVERSTITATIS DICTAE CVRATORIBVS mihi clementer demandato, oratione publica, die Mens. Iunii habenda me resque meas CVRATORIBVS vniuersitatis nostrae PERILLVSTRI BVSVNIVERSTITATIS CIVILVSVSQUE commendem. Est itaque quod MAGNIFICVM vniuersitatis RECTOREM, PRAEFECTVM OPPIDI AGRIQUE ALTORFINI GENEROSISSIMUM, PATRES VNIVERSITATIS SVMME VENERANDOS, IVRISCONSULTISSIMOS, EXPERIENTISSIMOS, AMPLISSIMOS CIVESQUE GENEROSISSIMOS PRAENOBILISSIMOSQUE enixe petam, vt actui huic intersint eumque praesentia sua exornent.

a) Barth. Advers. 38, 1. Editum etiam est Apuleii herbarium cum primo de herba vetonica capitulo in collectione 1528. in fol. edita a Guinterio Andernaco, quae Galeni l. de plenitud. librum, Polybum et Benivenium complectitur.

b) in praefatione Q. Sereni Samonici editioni praefixa.

c) in Theophrast. hist. plant. I, 9. p. 321.

d) hist. de la Medec. Part. III. Lib. I. cap. I.

e) Amoenit. philolog. medic. p. 415.

